

basi marginato divergens. Corpus oblongum vel oblongo-ovatum, opacum, superne saepe pilis squamiformibus faciliter divellendis vestitum. Caput verticale, antice visum oculis pedunculatis exceptis triangulare, latitudine interoculari vix longius, a latere visum altitudine multo brevius, fronte et clypeo in unum verticalibus, confluentibus, hoc ne minime quidem prominente, basi hujus deplanata et nitente, in medio capitis in linea inter bases antenarum ducta posita, angulo faciali recto, genis altissimis, gula peristomio brevior. Oculi pedunculati, breves, rotundati, orbita interiore recta divergentes. Rostrum apicem coxarum intermediarum attingens, robustum, articulo primo dilatato, secundo primo aequalongo, duobus ultimis simul sumtis secundo paulo longioribus. Antennae paulo infra tertiam basalem partem spatii inter pedunculum oculi et apicem clypei insertae, articulo primo robusto, subcylindrico, rigido-setoso, secundo lineari, latitudini basali pronoti saltem aequalongo, ultimis simul secundo longioribus. Pronotum trapeziforme, lateribus medio sinuatis, disco subhorizontali, callis sat discretis, transversis, basi medio late profundius sinuata. Scutellum basi detectum. Hemielytra cuneo subhorizontali, margine externo versus apicem rotundato, feminae saepe abbreviata. Xyphus prosterni planus, lateribus solum basi marginatus. Metastethium orificiis externe convexis. Coxae anticae medium mesosterni attingentes. Femora postica elongata. Tibiae spinulosae. Tarsi postici articulo primo secundo aequalo longo, tertio secundo longiore.

1. *Labops setosus* REUT.

Diagn.: Niger, opacus, pilis squamiformibus totus destitutus, sed superne sat longe fulvo-setosus; capite vittis duabus verticis marginalibus vittaque utrinque genarum infra oculos albido-testaceis; limbo laterali corii albido; tibiis annulo infra medium ferrugineo; maris forcipe genitali basi ferrugineo; oculis longe pedunculatis, pedunculo sursum et oblique antrorsum producto; antennis articulo primo margini pronoti apicali aequalongo et articulo secundo fere duplo brevior. Long. ♂ macr. 6, ♀ brach. $4\frac{3}{4}$ —5^{mm.}

Var. β: Corii limbo laterali cocolor.

Hab. in Sibiria (V. Sujetuk!), D. HAMMARSTROM.

Descr.: Corpore pilis squamiformibus destituto superne setoso a sequentibus mox distinctus. Corpus nigrum, opacum, solum capite nitidulo. Caput cum oculis basi pronoti aequalatum (♀ brach.) vel paulo angustius (♂), vertice utrinque stria obliqua, vitula laterali infra oculum saepeque macula utrinque juxta basin clypei albido-testaceis; facie utrinque ad basin clypei longe fulvo-sericeo. Oculi longe stylati, slylo sursum et oblique antrorsum vergente, margine inferiore ab antico viso oculo latiore. Rostrum nigrum. Antennae nigrae, articulo primo margini apicali pronoti aequalongo, secundo primo fere duplo longiore, quarto tertio aequalongo. Pronotum latitudini apicali aequelongum, basi quam apice dimidio (♀ brach.) vel $\frac{3}{5}$ (♂ macr.) latius, disco postico sat fortiter transversim strigosum. Scutellum sub-laeve. Hemielytra (♂) abdomen sat longe